



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13, 89/16, 5/22 i 31/24) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08, 5/22 i 39/25), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2022. GODINU POLITIČKE STRANKE **ZELENI BOSNE I HERCEGOVINE**

Broj: 03-07-6-625/23  
Sarajevo, 03.12.2025. godine

## S A D R Ź A J

|                                                           |   |
|-----------------------------------------------------------|---|
| MIŠLJENJE REVIZORA.....                                   | 3 |
| 1. UVOD.....                                              | 4 |
| 2. PREDSTAVLJANJE POLITIČKE STRANKE.....                  | 4 |
| 3. OPIS PREGLEDA I KONTROLE FINANSIJSKOG IZVJEŠTAJA ..... | 4 |
| Predmet pregleda i kontrole.....                          | 4 |
| Cilj pregleda i kontrole .....                            | 5 |
| Obim pregleda i kontrole.....                             | 5 |
| 4. PRETHODNE KONTROLE I REVIZIJE.....                     | 5 |
| 5. NALAZI I PREPORUKE.....                                | 5 |
| 5.1 NALAZI.....                                           | 5 |
| 5.2 PREPORUKE .....                                       | 8 |

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja političke stranke ZELENI Bosne i Hercegovine za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2022. godinu, utvrđeno je da je politička stranka ZELENI Bosne i Hercegovine prekršila odredbe člana 4. stav (1), člana 5. stav (4), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i člana 15.1 Izbornog zakona Bosne i Hercegovine.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja političke stranke ZELENI Bosne i Hercegovine za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2022. godinu, politička stranka ZELENI Bosne i Hercegovine se finansirala iz sljedećih izvora:

| R/B       | Izvori finansiranja                                              | Iznos<br>(KM)    | Struktura<br>(%) |
|-----------|------------------------------------------------------------------|------------------|------------------|
| 1.        | Članarina                                                        | 0,00             | 0,00             |
| 2.        | Prilozi fizičkih lica (3-a)                                      | 9.698,00         | 90,99            |
| 3.        | Prilozi pravnih lica (3-b)                                       | 960,00           | 9,01             |
| 4.        | Prihodi od imovine (3-c)                                         | 0,00             | 0,00             |
| 5.        | Prihodi od dobiti preduzeća u vlasništvu političke stranke (3-d) | 0,00             | 0,00             |
| 6.        | Prihodi od poklona (3-e)                                         | 0,00             | 0,00             |
| 7.        | Prihodi iz budžeta (3-f)                                         | 0,00             | 0,00             |
| 8.        | Prihodi od propagande (3-g)                                      | 0,00             | 0,00             |
| <b>I</b>  | <b>Ukupni prihodi (1-8)</b>                                      | <b>10.658,00</b> | <b>100,00</b>    |
| <b>II</b> | <b>Ostali prihodi i drugo</b>                                    | <b>0,00</b>      | <b>0,00</b>      |
|           | <b>Izvori finansiranja (I+II)</b>                                | <b>10.658,00</b> | <b>100,00</b>    |

U godišnjem finansijskom izvještaju za 2022. godinu politička stranka ZELENI Bosne i Hercegovine iskazala je rashode u ukupnom iznosu od 20.112,50 KM.

## 2. PREDSTAVLJANJE POLITIČKE STRANKE

Naziv političke stranke: ZELENI Bosne i Hercegovine. Skraćeni naziv je ZELENI BiH.

Politička stranka ZELENI Bosne i Hercegovine registrovana je kod Općinskog suda u Sarajevu, Rješenjem broj: 065-0-f1-22-000003 od 04.04.2022. godine.

Sjedište političke stranke je u Sarajevu, ulica Gandijeva 10.

Lice ovlašteno za zastupanje stranke je Adis Arapović, predsjednik stranke.

Ovlašteno lice za finansijske izvještaje za 2022. godinu je Mirela Hamidović.

Prema podacima iz godišnjeg finansijskog izvještaja za 2022. godinu, politička stranka ZELENI Bosne i Hercegovine nema niže nivoe organizovanja.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj političke stranke ZELENI Bosne i Hercegovine za 2022. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je troškove izborne kampanje ostvarila u okviru zakonom utvrđenog limita.

**Obim pregleda i kontrole** finansijskog izvještaja političke stranke ZELENI Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Pregled i kontrola finansijskih izvještaja obavlja se prvi put.

#### **5. NALAZI I PREPORUKE**

##### **5.1 NALAZI**

**a) Politička stranka ZELENI Bosne i Hercegovine prekršila je odredbe člana 4. stav (1) Zakona o finansiranju političkih stranaka<sup>1</sup>.**

U godišnjem finansijskom izvještaju politička stranka je iskazala troškove u iznosu od 20.112,50 KM.

Politička stranka Centralnoj izbornoj komisiji Bosne i Hercegovine nije dostavila program utroška za 2022. godinu, odnosno finansijska sredstva stranke je utrošila bez programa utroška sredstava, čime je prekršila odredbe člana 4. stav (1) Zakona o finansiranju političkih stranaka.

**b) Politička stranka je prekršila odredbe člana 5. stav (4) Zakona o finansiranju političkih stranaka.**

Pregledom godišnjeg finansijskog izvještaja utvrđeno je da politička stranka ZELENI Bosne i Hercegovine nije uspostavila evidencije u poslovnim knjigama i nije prijavila u godišnjem finansijskom izvještaju nenovčanu donaciju fizičkog lica, po osnovu korištenja dijela nekretnine bez naknade u toku 2022. godine i nenovčane donacije po osnovu besplatnog oglašavanja na društvenim mrežama tokom izborne kampanje 2022. godine, čime su prekršene odredbe člana 5. stav (4) Zakona o finansiranju političkih stranaka.

(1) Uvidom u Ugovor o zakupu od 25.04.2022. godine zaključen između fizičkog lica Adise Omerbegović Arapović i političke stranke ZELENI Bosne i Hercegovine, utvrđeno je da je stranka u periodu od 25.04.2022. godine do 31.12.2022. godine koristila dio nekretnine bez plaćanja zakupnine.

Politička stranka je korištenjem dijela nekretnine u vlasništvu fizičkog lica, bez plaćanja zakupnine, primila nenovčanu donaciju, koju je u skladu sa članom 5. stav (4) Zakona o finansiranju političkih stranaka i Pravilnika o godišnjim finansijskim izvještajima političkih stranaka (u daljem tekstu: Pravilnik) trebala evidentirati u poslovnim knjigama i prijaviti u finansijskom izvještaju za 2022. godinu.

(2) Politička stranka ZELENI Bosne i Hercegovine nije uspostavila evidencije u poslovnim knjigama, niti je u finansijskom izvještaju prijavila nenovčane donacije ostvarene internet

---

<sup>1</sup> U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

oglašavanjem njenih kandidata, koje prema podacima sa društvene mreže „Facebook“ iznose 446,58 KM.

- Kontrolom dostupnih podataka o oglašavanju na društvenoj mreži „Facebook“ utvrđeno je da je Adis Arapović kandidat ove političke stranke za Parlament Federacije BiH platio objave na ovoj društvenoj mreži u vrijednosti od 346,18 KM.

Takođe, uvidom u Odluku Centralne izborne komisije BiH, broj: 05-1-07-5-3930/22 od 08.09.2022. godine, utvrđeno je da je isto lice, putem društvene mreže „Facebook“ vodio plaćenu izbornu kampanju objavom video isječka dana 26.07.2022. godine (ID oznaka objave: 447922250350698) i u periodu od 27.07.2022. godine do 29.07.2022. godine (ID oznaka objave: 1525889711200520), prije službenog početka izborne kampanje.

Stranka nije u svojim poslovnim knjigama i godišnjem finansijskom izvještaju evidentirala plaćanje objava, niti nenovčane donacije fizičkog lica.

- Uvidom u podatke sa društvene mreže „Facebook“ utvrđeno je da je oglašavanje na „Facebook“ stranici „Bahrudin Šarić“, platila Elmana Hozbo u iznosu 100,40 KM<sup>2</sup>. Nenovčana donacija nije evidentirana u poslovnim knjigama, niti je prijavljena u finansijskom izvještaju.

**c) Politička stranka je prekršila odredbe člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i člana 15.1 Izbornog zakona Bosne i Hercegovine.**

Pregledom godišnjeg finansijskog izvještaja i druge finansijske dokumentacije utvrđeno je da politička stranka ZELENI Bosne i Hercegovine nije u poslovnim knjigama uspostavila pravilne evidencije o prihodima i rashodima, te obrasce godišnjeg finansijskog izvještaja za 2022. godinu nije popunila u skladu sa odredbama Pravilnika, čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Politička stranka nije uspostavila potpune evidencije o troškovima izborne kampanje čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- (1) Politička stranka godišnji finansijski izvještaj za 2022. godinu nije podnijela u zakonom propisanom roku, čime je prekršila odredbe člana 12. stav (4) Zakona o finansiranju političkih stranaka.

U skladu sa odredbama člana 12. stav (4) Zakona o finansiranju političkih stranaka i odredbama člana 3. Pravilnika, politička stranka je bila obavezna da finansijski izvještaj podnese u elektronskoj formi i u čvrstoj kopiji do 31.03.2023. godine.

Uvidom u službene evidencije Centralne izborne komisije BiH, utvrđeno je da su ZELENI Bosne i Hercegovine izvještaj putem elektronske aplikacije „FI CIK BIH“ podnijeli dana 04.05.2023. godine, a obrasce godišnjeg finansijskog izvještaja, odštampane iz aplikacije u PDF formatu, ovjerene potpisom ovlaštenog lica i pečatom političke stranke dostavili dana 05.05.2023. godine.

- (2) Politička stranka nije popunila obrazac 2 (pregled prometa svih transakcijskih računa političke stranke) godišnjeg finansijskog izvještaja u skladu sa odredbama člana 11. Pravilnika.

Politička stranka u obrascu 2 godišnjeg finansijskog izvještaja nije prijavila devizni račun broj: 1343246081 otvoren kod ASA banke d.d Sarajevo.

Uvidom u Izvještaj Centralne banke Bosne i Hercegovine o računima pravnog lica utvrđeno je da stranka ima aktivan račun kod ASA banke d.d Sarajevo broj: 1343246081, dok je uvidom u akt broj: 3240-24-16373/2025ZZ od 14.07.2025. godine koji je dostavila ASA banka d.d Sarajevo utvrđeno da stranka u toku 2022. godine nije imala promet preko ovog računa.

---

<sup>2</sup> U odnosu na Preliminarni izvještaj o pregledu godišnjeg finansijskog izvještaja za 2022. godinu izvršen je unos iznosa vrijednosti nenovčane donacije.

Stranka je imala obavezu da u finansijskom izvještaju iskaže ovaj račun bez obzira što preko ovog računa u toku godine nije ostvarila promet.

- (3) U obrascima 3-a (prilozi fizičkih lica) i 3-b (prilozi pravnih lica) godišnjeg finansijskog izvještaja stranka nije navela brojeve izdatih potvrda, čime je prekršila odredbe člana 14. i 15. Pravilnika.

Pored navedenog, stranka je fizičkim i pravnim licima od kojih je primila donaciju, umjesto potvrda o primljenom prilogu, izdavala priznanice koje ne sadrže broj ličnog dokumenta/identifikacioni broj donatora, te adresu i mjesto prebivališta/sjedišta donatora, što je suprotno odredbama člana 6. Pravilnika<sup>3</sup>.

- (4) Politička stranka u poslovnim knjigama i godišnjem finansijskom izvještaju nije uspostavila potpune evidencije o prihodima, čime su prekršili odredbe člana 13. i 18. Pravilnika.

Politička stranka nije u poslovnim knjigama evidentirala, niti je u finansijskom izvještaju prijavila nenovčane donacije koje je ostvarila po osnovu besplatnog korištenja dijela nekretnine i besplatnog oglašavanja na društvenim mrežama tokom izborne kampanje 2022. godine.

- (5) Politička stranka nije u poslovnim knjigama i godišnjem finansijskom izvještaju uspostavila potpune evidencije o rashodima, čime je prekršila odredbe člana 21, 22. i 23. Pravilnika.

- Uvidom u poslovne knjige i godišnji finansijski izvještaj za 2022. godinu utvrđeno je da stranka nije evidentirala niti iskazala troškove zakupnine dijela nekretnine, čime je prekršila odredbe člana 21. i 22. Pravilnika.
- Politička stranka u godišnjem finansijskom izvještaju nije iskazala troškove izborne kampanje po osnovu objava na društvenoj mreži „Facebook“ u vrijednosti od 446,58 KM, kao što je navedeno u nalazu pod b).

- (6) Politička stranka u postizbornom finansijskom izvještaju nije iskazala sve nenovčane donacije i troškove izborne kampanje, čime je prekršila odredbe člana 12. stav (3) Zakona o finansiranju političkih stranaka, člana 15.1 stav (1) Izbornog zakona Bosne i Hercegovine i odredbe Pravilnika o predizbornim i postizbornim finansijskim izvještajima političkih stranaka („Službeni glasnik BiH” broj: 10/18 i 5/22).

- (7) Uvidom u finansijsku dokumentaciju političke stranke i knjigovodstvene isprave utvrđeni su nedostaci kod dijela računa dobavljača koji su knjigovodstvene isprave o nastalim poslovnim događajima<sup>4</sup>. Takođe, utvrđeno je da računi nisu ovjereni za knjiženje i plaćanje.

Na računu dobavljača „UrbanGRAF” grafički studio Sarajevo broj: 95/22 od 23.11.2022. godine u iznosu od 339,30 KM, u dijelu računa u kojem se upisuje naziv usluge navedena je „izrada reklamnog materijala“ u količini 1 kom, bez navođenja vrste reklamnog materijala, te račun ne sadrži potpis odgovornog lica i pečat dobavljača.

---

<sup>3</sup> U skladu sa odredbama iz člana 6. Pravilnika, politička stranka je dužna svakom fizičkom i pravnom licu od kojeg je primila članarinu ili prilog izdati potvrdu u kojoj su sadržani sljedeći podaci: naziv političke stranke, serijski broj potvrde, ukupan iznos članarine/priloga, ime i prezime/naziv donatora, broj ličnog dokumenta/identifikacioni broj donatora, adresa i mjesto prebivališta/sjedišta donatora, datum uplate, datum izdavanja potvrde i potpis ovlaštenog lica.

<sup>4</sup> U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

## Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM po biraču u svakom izbornom krugu, prema broju birača koje je objavila Centralna izborna komisija BiH<sup>5</sup>. Prema podacima Centralne izborne komisije BiH, politička stranka ZELENI Bosne i Hercegovine je u svrhu izborne kampanje mogla da potroši sredstva u iznosu od 323.777.70 KM.

Politička stranka ZELENI Bosne i Hercegovine je u obrascu 4.2 godišnjeg finansijskog izvještaja za 2022. godinu iskazala troškove izborne kampanje u iznosu od 971,10 KM.

Pored iskazanih troškova izborne kampanje u iznosu od 971,10 KM, uvidom u raspoloživu dokumentaciju, utvrđeno je da je politička stranka ostvarila i troškove izborne kampanje u iznosu od 446,58 KM, koje nije iskazala u godišnjem finansijskom izvještaju za 2022. godinu.

## 5.2 PREPORUKE

*Preporučuje se političkoj stranci ZELENI Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da svake godine sačinjava plan utroška sredstava i da finansijska sredstva osigurana za finansiranje političke stranke koristi u skladu sa programom utroška sredstava,*
- *da prijavljuje sve priloge bez obzira na koji način ih ostvaruje,*
- *da sadržaj potvrde o primljenim prilogima uskladi sa odredbom člana 6. Pravilnika o godišnjim finansijskim izvještajima političkih stranaka,*
- *da finansijske izvještaje koje podnosi Centralnoj izbornoj komisiji BiH dostavlja u zakonom propisanom roku,*
- *da vodi poslovne knjige u skladu sa računovodstvenim propisima, odnosno da uspostavi potpune evidencije o prihodima i rashodima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu s Pravilnikom o godišnjim finansijskim izvještajima političkih stranaka i Pravilnikom o predizbornim i postizbornim finansijskim izvještajima političkih stranaka.*

## KOMENTAR:

U ostavljenom roku, ZELENI Bosne i Hercegovine nisu dostavili primjedbe na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2022. godinu.

Šef Odsjeka za revizijske poslove

Sanja Tošović

Šef Odsjeka za predrevizijske i administrativne poslove

Rijad Selmanović

Pomoćnik revizora

Dragomir Elez

---

<sup>5</sup> Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika općine odnosno gradonačelnika i za članove skupštine općine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.